



UNIVERSITÄTS-
BIBLIOTHEK
PADERBORN

**Tractatvs De Execvtoribvs Vltimarvm Volvntatum duorum
celeberrimorum iurisconsultorum**

Canis, Johannes Jacobus

Constantia, 1593

VD16 ZV 2896

Praefatio.

[urn:nbn:de:hbz:466:1-63406](#)

P R A E F A T I O.

Mnes homines, qui v̄su pa-
rētum ac patriæ, benè mo-
rati sunt, & semper in ali-
quo præclaro negotio ab
ineunte (vt aiunt) ætate versati, ali-
cuius rectè facti ac bonæ artis famam
quærere cupiunt, non solum ab omni
vitio & turpitudine sese immunes red-
dunt: verūm etiam alijs prodesse om-
ni ope curaꝝ nituntur. Idcircò ma-
iores nostri, quorum dicta & facta ma-
gis mirari, quam prosequi possumus,
semper aliorum inuenta laudabiliter
tueri augereꝝ nitentes, ea velut no-
bile patrimonium à suis progenitori-
bus derelicta, vſq; ad suprema fastigia
& rerum apices euexerūt. Idꝝ vel hoc
præcipuo documento in vestra præ-
clarissima ciuitate licet intueri: quod
viri optimi, & benè de repub. meriti,
non somno aut luxui se corrumpen-
dos sinunt, sed quod supremæ agunt
ætatis, gratissimum & pinguedinum
patri holocaustū offerentes pro quic-

A 2 te, ac

P R A E F A T I O.

te, ac ocio pietatis, ac beneficentia
onera complent. Templo diui Mar-
ci cumulatissimè dicatos thesauros,
castissimè custodiunt: Piaque dece-
dentiū desideria complere, ac ef-
fectui mancipare impensius student:
& pro pupillis & miserabilibus per-
sonis tutelas excipiūt. Quod fit, vt tota
ciuitas vniuersusque senatus illos in ter-
ris, diuinam potiūs, quam humanam
vitam degere contemplati, dictaturas
& consulatus offerant: & inter ipsos
illusterrimos patrię patres, supremam
dignitatem velut gremio tūtissimo lo-
cent. Et si humanæ conditionis euētu,
dux ad superos euolet, ex tali nume-
ro summæ rerum vnum preficere con-
sueuerunt. Totorum igitur patrum in
perficiendis obeuntium volūtatibus,
experienciā inestimabilem admiratus,
deliberaui quēdam tractatulum exe-
cutorum supremi iudicij, ex iuris fon-
tibus haustum, & à me nuper enuclea-
tum tanto quidem ordini conuenien-
tissimum,

P R A E F A T I O.

tissimum, tuæq; clementiæ de illis vni
certè præstantissimo dedicare, non vt
te quidem monerem, qui & naturæ &
exercitationis vsu ad omnia præclara
facinora & natus, & aptus es, verum
potius, vt quæ in iure scripta, & à ma-
ioribus nostris in vnum congesta atq;
redacta sunt contemplatus, ipsa illa in
te flore recognoscas, & continuo vsu
facias meliora. Scripsit enim de his li-
bellum Ioan. Blanchus Marsiliens. non
doctor, sed doctus circiter annum
D. M. C C L X I I I . Quatuor rubricis,
vnâ generali, & tribus specialibus di-
stinctum, ac quæstionibus. 135. Eo-
demq; modola. de are. doctor illustris,
compedium fideicómissarium appellatū, quadrifariā diuisum, dereliquit.
Tractatumq; de his secere Vbertus de
Bobio, Ros. & Odo. Iac. Balduinus, Ni-
colausq; matarelli Mutinensis quos
Spec. & Ioan. And. in addi. cōsecuti
sunt. Cy. verò. & Legistæ in l. id, quod
pauperibus. l. nulli, & l. si quis ad de-

A 3 clinan-

P R A E F A T I O.

dam. C. de epi. & cle. Bar. & pleriq. in.
1. cùm quidā ff. de lega. 2. Et Canon. in.
c. nos quidē. c. tua nos. & c. Ioā. de te-
sta. c. fin. eo. tit. li. 6. & in cle. c. vlt. rem
ipsam mirificè ampliarūt. Quid alio-
rum consilia & allegationes referātur?
Non leue quidem volumen efficerem,
si vellem singulos recēdere. Inest præ-
tereà summa varietas, ordo, perplexi-
tas, adeò quòd si singulos cōsequi vel-
lem, nec dici facilē, nec audiri patien-
ter posset, Quare facilitati potius, quā
nīmīæ subtilitati studens, in luculentā
reduxi culturā. Ex qua sperandum est,
meo iudicio, fructus vberes prouenire.
Ordo aut̄ dicendorū conueniens esse
videbitur, si primo loco de ortu per
diffinitionē, nomē diuisionē, ac cōsti-
tutionē ipsorū differamus. Posteà ve-
rō, secūdo loco de officio & potestate,
modo, & facultate dicetur, Tertiō ve-
rō, de ipsorum exitu ac fine scribendo.
Et de ipsorum commodis & damnis
differetur. A primio igitur exordien-
tes, aliqua præmittemus.